

docriver 文川网
入驻商家
古籍书城
在文川网搜索古籍书
获取更多电子书

中國方志叢書·華北地方·第三一八號

據清·同治七年刊本
毛鳳枝撰
影印

陝西 省

陝西南山谷口考



80/8795
sk78/08

成文出版社有限公司印行



中華民國五十九年 月壹一版

陝西南山谷口考

全一册

發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

陝西南山谷

口攷

寓意於物齋

書之一

docsriver 文川网
入驻商家 古籍书城

在文川网搜索古籍书城 获取更多电子书

序

秦據天下上游之勢控河山百二之雄一
旦盜至叩關人絕無留者而往來自如也
尙爲秦有人乎夫關中被山帶河險阻之
四塞未改也固猶然天府之國也伊古在
昔王者得之以王霸者資之以霸矣中才
處之宜猶足以自保哥舒翰輩不足論何

以同治之元賊薄武關旣莫之爲禦以成
秦禍越五年而寇我潼關猶莫之懲而坐
失連城之險耶韓退之守戒曰在得人豈
不信哉人之一身腴理爲急護其要害數
處而止耳秦爲天下之脊南山則秦之脊
也而山之諸谷則其窾絜也顧其說往往
散見於篇未有匯而著之者倉卒有事將

回惑而不得其要誠讀是書而講其利害
聚餉選兵以扼之外侮絕焉舉良有司而
填撫其民內亂奚生焉毛子作爲是書其
猶足雪秦無人之譏乎易曰王公設險以
守其國苟得其人雖無險隘乎猶將陂塘
灤以限戎馬列保寨以固藩籬矧擁河山
之勝哉雖然彼泄泄者昧安不忘危之義

方且迂是書以覆瓿而莫之省也毛子其
柰之何也毛子曰士君子得位則行其道
窮則立言以備用有鞏屏藩以衛

國家者乎是書也吾將存之以俟其人同治七
年歲在著雍執徐秋壯月既望紹興山陰
萬方煦序於長安旅舍之豫齋

陝西南山谷口攷

谷山口也說文云泉出通川爲谷

裕又轉爲庚又轉爲油今關中讀若裕而其字則俗書加山作峪今兩存之所謂各從主人也

揚州甘泉毛鳳枝撰

關中之險東有潼關西有隴阪東南有武關北有大河所謂四塞之國也而其足爲關中之患者則恒在南山誠以南山虬起昆侖尾銜嵩嶽橫亘潼關華陰華州商州雒南渭南藍田咸甯長安鄠縣盩厔郿縣寶雞之境幾及千里深山穹谷不可殫究其正南通興安出即襄其東南抵商州連楚豫其西南毗漢中道隴蜀昔年賊蹤出沒無不假道于此故關中之患

恒在南山而南山之患又在諸谷也議者謂三秦地利自古稱雄多事之秋足以自守不知古人尙車戰故山谿足以隘戎馬今則步騎風馳詭道萬端攻其無備出其不意有出于鄧艾陰平之上者而南山諸谷徑路紛岐多置兵則備多力分少置兵則顧此失彼故今日之關中不若大梁之易守也大梁雖四戰之地然我無險賊亦無險關中則不然我之險要善守之足以制寇不善守之使賊乘間而入則南山之險反爲賊用彼利則進攻不利則退守是猶納蜂虻于袖中閉虎狼于一室其不嚙且蠶者鮮矣吾故曰

守大梁易守關中難雖然地無常勢兵無常形善用
兵者因地形以知利因地利以設謀雖丈五之溝漸
車之水尙能禦寇況乎百二之雄哉故攷南山谷口
北向者起潼關抵寶雞凡得一百五十所箸于篇

自潼關以西渭水之南山之大者皆曰南山南山之
高者悉名秦嶺潼關之南又有小秦嶺接商州境其
谷則一曰大谷俗名太峪口亦曰秦峪嶺

在潼關城南四十里有太峪關舊志云屬河南閩
鄉三省邊防道路攷由雜南縣北三十里曰石家
坡又三十里石牆又二十五里巡檢司又三十五

里黑掌坡又十五里太峪嶺

通志云潼關城西南至雒南縣治一百四

里五至潼關界山路陡險由谷口沿山東行可達

關鄉亦間道也

又西為麻谷

在潼關城南四十里有麻峪關

又西為禁谷

一名禁院

禁谷之北曰蒿岔峪

蒿亦作蒿

禁谷在潼關城南三十里有禁峪關通志云潼之

左有谷平日禁人往來以權征稅谷之南為雒南

界唐廣明初黃巢陷虢州張承範屯潼關關左有

禁谷官軍忘守即此今案谷之北有龍王廟又北

曰蒿岔谷有蒿岔谷水北入河沿谷水北行登潼

關南原復折而西可越過潼關達華陰境案通志與圖華

陰縣東南二十八里有瑞村原距潼關十里瑞村

原之北又有金盆原此二原當與潼關之南原相

接俟攷○案明史崇禎八年九月洪承疇破流寇

于渭南臨潼關李自成東走高迎祥亦屢敗東踰

華陰南原絕嶺偕自成出朱陽關與張獻忠合是

南原自昔為間道矣○又崇禎十一年李自成東

進洪承疇令曹變蛟設伏于潼關之南原大破之

賊既以南原為間道果能設伏於此豈非伐謀之

道乎昔人嘗設十二連城于此置兵戍守以防秦嶺

諸谷今連城既廢禁谷幾成坦途矣○通志云潼

關古關隘舊有十六一曰古城關在城東南四里

自此至西谷皆有烽臺一曰寺角營關在城東南

十五里一曰車峪關在城東南三十里一曰西峪

關在城東南四十里一曰石門關在城南二里一

曰禁峪關

北魏宇文泰擊竇泰至小關卽此

在城南十里一曰巡

底關在城南十里一曰溝西關在城南十五里一

曰漢井關在城南二十里一曰五莊關在城南二

十五里一曰麻峪關在城南三十里一曰水門關

疑卽下疑水谷

在城南三十里一曰太峪關在城南三十

里

太谷見前一曰潼峪關在城南三十里潼峪舊有防

兵一曰上關在城南三十里一曰南渡關在城西

十里一曰永樂關在城東北四十里有永樂鎮渡

以上十六關基址俱存而防守城堡墩臺俱廢

余案

南渡永樂二關爲西北之隘其餘皆南山間道也又城東有姚讚屯南有暗門隘姚鸞屯俱廢

潼關連城說

楊端本撰文載陝西通志

昔人謂泥丸東封函谷關今日之潼關鎖鑰西秦謂卽古之函谷者非也然入關有三道潼入關之正道也商之武關入關之孔道也昔漢祖破秦由此入咸陽朝邑古臨晉地自夏陽至關平曠百里大河易渡漢祖往來關中常由臨晉而七國之變亦欲兵由此入是又入關之隙道也五泉先生云一方不戒三險俱失誠哉是言也然武關萬山險

阻一將偏師可以無虞朝邑雖曰平曠百里命將
建營于中路設巨礮數十南北巡守則大河卽天
塹也至潼關之守則禁阬最爲要地昔黃巢從禁
阬破關明逆闖李自成亦由禁阬陷關豈非一方
不戒而失三險之明驗乎蓋疎忽地理之要而十
二連城之廢也古之守關者必于禁溝之西由南
郊以抵山麓計三城連城是三里一城也
每城設兵百人設礮一尊設火器矢弩
連絡呼應疾若風馳萬之衆豈能超越而
飛渡耶故守關而守禁者守猶勿守也守禁

溝而不建十二連城者守猶未善也是猶一室之內杜門塞竇以防鳥雀之入而忘閉其牖也是以關予敵非所以固圉也守關者察地理之形勢謀封置之萬全周歷山川曠覽古昔鑒觀成敗其于建連城以控禁溝控禁溝以固關亦許謀而重慮之乎

附載通志云潼關南門外不數武卽闕鄉華陰界

今案輿圖由潼關東南三十里之董社原

隋楊元感與字

於此戰

西行過蒿岔峪河又渡潼河西行可越過

潼關至華陰又由潼關東南之金陵關西行至閿

docsriver 文川网
入驻商家 古籍书城

在文川网搜索古籍书城 获取更多电子书

王溝

一名源望溝

傍南原西行渡蒿谷河又渡潼河楊

家河亦可越過潼關至華陰疑皆間道也

此就圖言之尚

或云潼關北城門外黃河水涸時由河灘行

走亦有間道至華陰

又西爲水谷

在潼關城南三十里有水門關自水谷以西南山

之高者皆名秦嶺

通志云秦嶺在潼關城南三十里嶺南卽雒南界相近有龍文

山

又西爲潼谷水經注謂之通谷

在潼關城南三十里潼水出谷中北入河有潼谷

關隘口有老君洞

又西爲蒲谷

在潼關城南三十五里爲潼關華陰連界處

右潼關谷口凡九關城南距秦嶺三十里

又西爲松果山

在華陰縣東南二十七里通志云山通襄鄧之間

又西爲水谷

在華陰縣東南有泥泉水北入渭谷南爲秦嶺

又西爲靈谷

在華陰縣東南

又西爲朝陽山一名留翎巘

在華陰縣東南山南爲秦嶺通志云秦嶺在華陰

縣南屬華雒分壤之界

華陰南至雒南縣治一百七十里

里西南至雒南縣界八十里

西接華州東抵潼關懸崖疊嶂高

不可攀通行者皆曲徑竇終南一虵

又西爲蒲谷

在華陰縣東南有蒲谷水北入渭

又西爲竇谷一名杜谷

在華陰縣東南有竇谷水北入渭

又西爲黃神谷

在華陰縣東南有黃龍潭水北入渭

又西爲泰華山

在華陰縣城南十里

又西爲仙谷

在華陰縣西南有車箱谷水北入渭

車箱谷在仙谷之南

又西爲好漢山

在華陰縣西南十五里

又西爲甕谷

在華陰縣西南十五里有黃酸水北入渭土人云

甕谷有路通藍田通志云甕谷環抱如甕爲商雒

徑道道險舊有防兵谷之南有升山爲黃酸水發源處縣志云甕谷爲商雒徑道道甚險惡明知縣王時雍修治之入谷五十里曰甕嶺東轉爲華陽川卽古陽華藪也通志驛傳攷出雒南縣北二十五里曰齊家鋪又三十里楊氏城鋪又二十里板廟河鋪又二十里度黃龍山至華陰縣甕谷鋪卽甕谷路矣

又黃龍山之東有香山及太子坪距雒南百里亦與華陰連界

又西爲大敷谷一名羅敷谷

在華陰縣西南三十里有敷谷水受秦嶺諸小水經流最大北入渭通志云入谷十三里有相公嶺

又西爲蔥谷

在華陰縣西南三十五里有蔥谷水北大渭

又西爲大谷

在華陰縣西南

又西爲方山谷

在華陰縣西南爲華陰華州連界處有方山河北

大渭谷南爲蟠龍山又南爲乾喜鋪通雒南界通

云蟠龍山可通白崖谷白崖之東卽構谷也詳見下文○又方輿紀要云秦華山之東有牛心谷南通商雒爲險阨處今未詳所在附記于此

右華陰縣南山谷口凡十三縣南距秦嶺五十里

又三省邊防道路攷由雒南縣之常水鎮迤西北
二十里曰孤山又三十里曰麻坪又七十五里曰
苦陀與華陰連界山路崎嶇

又西爲三甲山

在華州東南

又西爲鳳屠山

在華州東南三十里柳子鎮南山接秦嶺南來之
巖突立一峯左右兩山如舒翼然

又西爲構谷

在華州東南有構谷水北入渭谷之西南爲嶺底

鋪東南爲乾喜鋪與華陰維南連界通志云自谷而南四十里爲構嶺又三十里爲秦嶺逾嶺而南有路通商維

又西爲白崖谷

在華州東南谷之北有移山潭又北爲蓮花


水自池中北流爲渠會構谷水入渭谷之西

羅紋鋪自羅紋鋪入谷南行三十五里曰嶺底鋪

又東南三十里至乾喜鋪又四十里至華陰寶谷

鋪合寶谷路通維南

又西爲獼虎谷



在華州東南

又西爲甯山

在華州東南二十里山之東有阜頭山西北至州城十五里

又西爲小敷谷一名白石谷

在華州東南有羅紋水北入渭通志云入谷二十三里曰玉女廟又東有金壺峽又十里曰蒼坪又十里曰仙人洞

又西爲太平谷一名太白谷

在華州東南有太平谷水北入渭

又西爲獨秀峰又西爲少華山又西爲五龍山

均在華州城南十里

少華山之西爲白石谷又西爲潭谷又西爲水谷

均在華州西南有潭谷水北入渭

又西爲石隄谷

在華州西南十二里有石隄谷水北流爲石橋鋪

河又北入渭後漢殺君神祠碑云

集古錄云碑在鄭縣

石隄

樹谷南通商雒

案碑文則石隄谷之名漢時已著矣

通志云入谷南

行曰五里泉又五里曰東岐溝又十里曰灰池又

六里曰千崖二岔又二里曰東西石門又十五里

至秦嶺度嶺十五里曰黑龍潭峽又五里爲青岡

坪

通志云青岡坪在華州南七十五里秦嶺之南坪東南金堆城爲雒南界順治初山孽盤互于

此幾成絕徑十二年立木城撥潼關營把總汎防於此今有防兵由青岡坪東南

行十五里爲金堆城又南二十里爲五勝溝接雒

南境華州續志云州南至秦嶺雒南界八十里又

南一百一十里至雒南縣城而青岡坪亘秦嶺之

南居然一扼亢也其西南百里可達嶢關其東南

可通武關荆楚往來行客絡繹不絕爲華州通商

雒要道不可忽也○又石隄谷之西南爲小梯原

又南爲短嶺自小梯原迤西曰柳村原其北曰瓜

坡鎮古瓜田也

瓜坡鎮在華州西南二十里其西
爲大明鎮其南爲高唐鎮皆要道

自瓜坡而西南曰平原又南曰金堆谷可達秦嶺
南之金堆城案石隄谷爲華州南面之隘而瓜坡
大明高唐三鎮皆在其南宜于瓜坡等處設兵控
守以扼石隄之口所謂總彙之區也

又西爲栲栳山

在華州西南

又西爲赤隄谷

在華州西南有赤隄谷水東北流貫石隄谷水至
華州城西爲西溪復折而西會石隄谷水北流入

docsriver 文川网
入驻商家 古籍书城

在文川网搜索古籍书城 获取更多电子书

渭入谷南行有葫蘆潭谷又南二十五里卽秦嶺
嶺南曰桃坪接雒南境由桃坪東南行九十里卽
至雒南縣城

又西爲階谷

在華州西南有階谷水北流入渭通志云雒南縣
西北百里有百花嶺嶺之西爲和尚溝又西爲階
谷和尚溝之下爲金堆城金堆城之西爲東西桃
坪案桃坪卽赤隄谷入雒南之路與秦嶺南之青
岡坪金堆城皆要地也

又西爲喬谷山海經謂之英山一名王喬谷一名太

公谷一名招谷

在華州西南三十里瓜坡鎮之西有喬谷水北入

渭案輿圖喬谷之西北為豐原東南為瓜坡鎮南

為大明鎮

由鎮東北行至華州城二十五里

又東南為高唐鎮

由

東北行至華州城三十里

有高唐嶺嶺之南有李峪自李峪南

行有路通商雜

自喬谷以西山勢折而南行曰聖山山之南曰澗谷

聖山在華州西南三十里自聖山南行十里曰澗

谷谷之東為高唐鎮北曰大明鎮南曰孤相原東

赤水發源于此北入渭通志云澗谷之北曰江村